

synt, vor sick unde vor ore erven hebben vorkoft rechtes unde redelikes kopes dem ersamen Hennigk Bosszen, borger to Brunswick, synen erven unde hebber desses breves myt orem willen eyne hoyfe landes, geheiten de Guldene hoyfe, unde eynen hoff, belegen uppe dem velde unde in dem dorpe to Hachem, myt aller slachte nuth, rechticheit unde tobehoringe in dorpe, in velde, in holte, in wiisken unde in weiden, wu me de benömen mach, nictes uthbescheiden, dat ore ervetinsgud iss, vor veyr mark Brunswikescker weringhe, also drittich nye schillinghe vor jewelke mark, de se van dessem genanten Hennigk Bosszen to vuller nöghe entfanghen unde in ore nuth unde behoyff gekart hebben, also dat Hennigk Bossen, syne erven unde hebber desses breves myt orem willen sick desser vorgescreven hoife landes myt aller tobehoringhe schullen unde moghen gebuken to orem besten, wu ome beqweme is, de to bemeigerende umme tynss unde pacht uthdon, darvan upnemen unde entfangen wes de alle jarlikes renthen mach, sunder vorbenomden Gravenhorste, orer erven ofte jemandes van orer weggen hinder edder weddersprake, alle dewile dat se ore gelt darane hebben; unde so furder also Hennigk Bosszen, sine erven edder hebber desses breves uns, also my, her Johanne Everdes, perner to Meinerszen, twelff nye Brunswikesche schillinghe, unde my, hern Roleffe van Berghen, perner to Evesszem, sessz nye Brunswikesche schillinghe unde unsen nakomelinghen unser kercken pernern darvan to tynse gheven alle jarlikes. Ock hebben sick Jorden Gravenhorst, sine sone unde dochtere vorbenomet den willen unde de macht beholden in dessem sulven breve, dat se edder ore erven desse vorscrevenen hoife landes unde hoff myt orer tobehoringhe van Hennigk Bossen, synen erven unde hebber desses breves myt veir marken der vorscrevenen weringhe unde myt sess nyen schillinge, de dar uppgelopen syn, also uns pernern jowelkem twey nye schillinge vor de segelacie unde twey nye schillinghe vor brevegeldt mogen wedderkoppem up cathedra Petri, welkes jares dat se willen, so furder also se one in